

四庫全書

集部

欽定四庫全書

集部

江湖小集卷十八至二十

詳校官中書臣張姚咸

助教臣常循履勘

覆校官主事臣龔敬身

校對官助教臣胡子襄

膳錄監生臣任兆炯

膳錄舉人臣鍾廷瑛

欽定四庫全書

江湖小集卷十八

宋 陳起 編

張至龍雪林刪餘

宿靈巖

樹杪鐘樓出半層
佛床黠鼠弄殘燈
五更石上僧猶定
頭滿清霜喚不應

登東山懷朱靜佳

布石行山澗雲封竹洞名
照池傳古貌借著數同庚
禽

鬪巢幾覆蛛閑網半成冬深猶見菊還憶晉淵明

塞上曲

匣裡干將午夜鳴碧油幢下夢魂驚沙場燐火風吹起
半在骷髏眼底明

紫微閣贈凌道士

風林葉葉帶新寒已著藟鹽客味酸兔抱栗眠傳道石
鹿銜花上拜章壇
泐崖取水
和冰嚼掃壁題詩當畫看
盡日玄房無俗話
山鐘敲月上欄干

送鏡山僧遊雪峰

海風迎鐵錫半是往來程故國往來熟空門宿食清
舊房雲借住早路月同行象骨最高處師今履似平

齊雲寺

雨疎分點下畧約界橫塘接竹通生水塞蘿補壞墻字
塗窓眼黑香染佛衣黃未晚螢先出蕭然兩畫廊

化龍閣

鑄滿留題屋柱間風吹醉面不知寒漁舟撐出垂楊岸

驚鷺銜魚過別灘

弔蝶

數日假紅氣力傭
化成長夢別春風
却憐蟻為埋香玉
昇入殘花土穴中

寄胡竹洲

野菜生根土亦香
寒林晴久漏春陽
山臨古畫開當戶
蝸學臨書篆滿牆
密竹旋刪嫌碍月
青柑遲摘待經霜
兒童閑取池頭水
剗破玻璃綠一方

題白沙驛

霧裏峰頭薄似巾路逢水後誤行人山泉釀酒力偏重
石銚煎茶味最真燕不傳家猶教子梅纔有肉便生仁
枕邊學夢人方悟未到鐘聲夢更頻

贈劉介庵

一心憂道不開眉懶扣黃扉謁故知有累祇因難棄鶴
無疑何用苦求龜常厨飲食夷齊輩晚筆文章漢魏時
冷笑富家錢塞屋蘭亭誰更有真碑

馬升菴惠鞠苗

稅得隣東地一方旋栽黃鞠待重陽
春晨摘落青苗葉授作秋花氣味香

東林寺

滿院香風乍熟楂猴孫抱子坐枯槎
頭陀不慣迎賓客自折芙蓉供釋迦

李梅磧雪夜留飲

擁爐收案牘市遠隔喧嘩
妓唱新填曲僮分旋碾茶花

枝承雪重燭焰受風斜
儼屋為官舍更深酒更賒

宿易冲妙道院

松髮經寒亂不梳
夜來風減屋茆疎
吟邊凍指僵如鐵
袖裡枯筇畫雪書

朱栢巖約南歸

忍聞秋管悲猶未
定歸期吟咏窮邊長
艱難老後知
水寒魚上少月閨
鴈來遲不作膏粱
夢長令一劍隨

橫峰感事

石角多情挽布衣，
候虫送響出林微。
文章首面趨時好，
字學偏傍徇俗非。
綠水被風吹作白，
密花因雨打教稀。
歸鴉路熟知巢近，
直望松林盡翅飛。

荅黃芳洲

抱膝書樓望太清，
一生心事月同明。
因過隣寺分茶供，
閒取高僧史傳評。

餞翁丹山發南浦

鳴鳩語燕近清明，
柳絮風輕秧水平。
一帶春流多斷岸，

盡緣倒樹當橋行

點史

水草山花各自春
閑居常謹坐船身
忠言似藥偏醫國
好句如金不療貧
王伯興亡難諱史
彭殤壽夭不由人
感來莫計更深淺
祇見蒼頭換燭頻

採蓮曲

荷葉龍頭學道情
花粧那似妾粧清
雙雙頭白猶交頸
翻笑鴛鴦不老成

拋落圓房響釧金背人細數子藏深不嫵到手多尖刺
祇怕傷人有苦心

子期臺

拾葉題詩愧不才袖遮微日上層臺山僧分我松陰坐
隔岸花香渡水來

武夷山

九折蒼江轉葦航花間流水自宮商巖開天綫登無路
殿鏤僊金拜有光曝背龜從平石上避人猴向險枝藏

斷橋盍有重紅日狂欲乘風扣魏王

擬韓偓體

一聲阿鵲顛鸞雙學調新詞未得腔拜了夜香郎喚睡
旋收鍼綫背銀缸

題隱者壁

寒着麻衣餒食薇樂山清興只琴知蛛經圓網當中立
蜂從新厨出外飛山脊倚天無改日草根埋雪有青時
莫言鴻燕多相背去去來來共一機

雨中過陸家園

斜搭鞦韆窻半扃行人屐送隔牆聲
羣花相倚啼妝面
苦不催晴怨懶鶯

寄苔川故人

千古長情抵翠岑
休談點石化黃金
秋來國事方嘗膽
病後禪機忽上心
老眼看書嫌字細
乾喉飲酒喜杯深
幾回空檢斑衣篋
望斷白雲天外陰

晚窻

風約鐘聲落耳根
鴉點點不成羣
前山野燒青煙起
散滿空中作暮雲

喜楊琴隱至

世塗多不平
擇地度吾生
風靜花遲落
雲移月倒行
自抄閒作改
客借古琴評
凡事虛空裏
何勞苦著情

寄寶林僧

磨折英雄輩
無停日月梭
達人愁夢少
明主直言多
藥試單方驗
碑評近本訛
吟成無愛者
寄與病僧哦

巴嶺

處處柴門掩半邊
鶯啼綠樹隔炊煙
竹梯閑倚柔桑畔
定是人家蠶正眠

楚節西堂省鞠

鞠胎綠蕊未曾成
百種藜中半忘名
試檢記花牌字看
春籬醉墨欠分明

槎

槎形冷度幾晨昏
不受東風一點恩
卻有僊人求作伴

浪遊星渚到天門

古別離

扶上花驄酒半醺
望沉鞭影暗銷魂
離情恐被行人覺
背拂菱花補淚痕

峽口

峽深猶有路泉遠不知源
禽學鄉談語山填野燒痕
晚風樵笛塢春日酒旗村
茆舍人畊罷鳧雛浴水渾

北津

獨立長橋喜近城半闌斜日又催行船過別浦波痕沒
堠立當塗里界明古木雲邊僧住處落花風裏鳥啼聲
青山莫道渾無事自與行人管送迎

江常庵出武夷

厭居京洛說行持袖裏青蛇上武夷仙為寫真供御覽
天憐病眼名神醫江中白石差龍斲洞裡蒼松帶鶴移
無事出山衣屨濕滿城風雨鞠花時

晚步寄劉徵齋

縱橫屐齒印蒼苔
夢筆山高翠作堆
日帶晚光歸海去
風傳秋信下天來
竹開小路通螢過
松守空巢待鶴回
蚺甕乾坤還自樂
何須金屋玉樓臺

簡勝上人

林深嵐氣重
一犬吠寒煙
高思天雲外
新房柏樹邊
愛蒲尋石種
惜茗瀝泉前
昔勩如來殿
老於師一年

演雅十章

麒麟感世出鳳凰
覽德至人苟嘗見之應不指為瑞

欄蛛巧經網林鳩拙營巢孰知拙反勝網壞巢獨牢
雀食野人田燕栖公子堂野情飢亦樂依人難久長
猩猩隕機穿鸚鵡鎖金籠言笑造為累緘嘿斯保躬
蠶飽辦絲課蜂忙供蜜工役役為人勞衣食還自空
鵲鳴人共憐烏鳴人共嫉祇因聲妍媸何心報凶吉
江鱗行比目沙鴛睡交頸不知山兔寒清夜顧蟾影
飢鷹健搏兔饒鷺勤哺魚各為口腹累不聞有騶虞
犬眠蒼玉地猫卧香綺叢倘無鼠與盜猫犬命亦窮

墨魚黑覆形火螢明照身拙於用顯晦蹤跡徒自陳

寓興十首

孤鐙照長夜膏盡燈影滅劃見窓戶間鮮鮮有明月
日夜江水流不海水不止孰謂流去者不是海中水
東日照瓦霜西嚮界餘白莫言日不到日光來未及
遲月上深夜新蟾不終夕何如月圓時通宵照無極
種鞠一百叢九月開盈枝莫言無好花好花開較遲
庭前無繁植疎竹附梅坡雖然無巨蔭明月飛來多

草虫設細網小窳不可見日日朝露中羣白草間現
高風吹秋霜庭前百草死誰知草有根昨夜東風起
夏月灌鞠根見花在秋日先時不施工臨花已何及
十年挿柳枝今與高樹齊垂條綠春風上有流鶯啼

梅花十詠

梅梢

根清條不肥影落明月地淒淒欲寒時胚渾已生處

蓓蕾

歷歷街冰霜綴作珠的皜香色俱渾然花中之太極

欲開

凝成姑射姿幽潔世所獨春近迫芳心羞澀破唇玉

半開

五出梢數露不受塵目愛鮮鮮着精神獨於此時最

全開

昨夜東風多花神莫之禦玉立對幽人十分盡情吐

欲謝

垂垂雪中枝暗裡度香遠忽動調羹機黏枝花力軟

半謝

旋隨瓊霏飛繞我茆屋角結子意漸濃豈為羌管落

全謝

冰花不留丁收香盡藏白一朝作陳人遜與桃李出

小實

青青長朱棠小摘脆不墮勿期如豆微中懷仁已大

大實

圓碧日益肥石磊落壓枝重雖然苦味酸酸中藏大用

江湖小集卷十八

欽定四庫全書

江湖小集卷十九

宋 陳起 編

杜旃癖齋小集

白雲在南山

白雲在南山幽鳥乘風飛鳥飛不能遠雲高還難依園
中亦有菊堂後那無萱游子不得歸銜悲欲何言

綠珠行

蜀絲殷空金作谷珊瑚成林珠百斛彼姝千花萬花簇

明月出胎照彼綠鏡中飛鸞掌中身夜月春風看不足
悲歡倚伏徵禍福西里憐顰東市戮願將舊意奉新人
此別他生定難卜君因妾死莫多怨妾死君前君眼見
高樓直下如海深璧玉一碎沙中沉平時感君愛妾貌
今日令君知妾心

同平父園中即事

季冬少寒凜霜薄日色明訪我會心友相携園中行菜
甲長疎花梅枝綴初英潛魚戲晴波寒雀暖有聲小步

極遐覽閑吟暢幽情語言接續
緒意適體自輕歲華晚
更好景趣靜始并俯仰物態間
聊與同春榮

明鏡行

明鏡照形不照影明月照影不照心
朱絲委地流水咽
寶劍掛壁蛟龍吟二桃畫謀恩義絕
慘慘嚴霜飛六月
銜石海可填鍊石天可補君非食
蓮葯安知此心苦

上徐子宜侍郎二絕

當年金屋誤承恩自倚容華託至尊
風外遊絲難繫日

依然青草暗長門

猿臂將軍戰不休當時部曲亦封侯
夜涼忽夢燕山月猶幸君恩晚見收

九日懷陳舍人

白髮江湖暗青燈几席涼窮途幾半百佳節又重陽
命也吾何奈天乎孰可量元龍樓百尺猶足慰行藏

蔗境菴二絕

世事多端好備嘗未能悅口勿輕忘結交莫厭初年澹

晚節相看味始長

美惡初終自不同
新人那念舊人容
君知食蔗逢佳境
不念人間有非封

別江陰宰魏元長兼望王木叔使君

荆山抱璞自遭毀
漠漠胡沙埋皓齒
咸韶正音或出爨
下桐十年憤鐵一日變
化成蛟龍人生相歡貴
知己心不相知異生死
豈不見豫遜不報中行氏
又不見聶政殺身酬仲子

滄海終可填太行竟能移丈夫殺身為感激有恩不報
非男兒意氣磨日月感過由一時齊威九合諸侯盟黃
河倒流五岳傾楚茅入貢民冠帶金繩玉檢思告成高
臺已荒曲池既平不見夷吾功但聞鮑叔名

賦賢已錄

靜觀趙使君喜棋
有是錄約予賦詩

物理因人創神機自古傳揚雄嗟有法孔子歎猶賢勝
負存虛實初終謹後先按圖嚴畫井起數象周天百戰
期爭道三隅察守邊開基思漢祖復土想周宣審勢攻

無備沉機救未然勝心游碧落幽思及黃泉冒利魚貪
餌乘虛鴈落弦紛爭忘父子迷感到神仙守必防重析
攻須出萬全妄興侵伐意私擅殺生權給弄心懷詐包
藏智益儂甘辭韜甲冑險志匿山川諱忌真情露矜誇
小數專怯圍潛却步貪得暗垂涎見逼難思進相持莫
敢前蹈危鬚捋虎後志耳鳴蟬意滿渾忘食神馳更廢
眠弱形遭毒手短節不空拳悔誤徒批頰矜高欲比肩
禍胎還隱伏陣勢漫綿延詭道非存正羸師合忌堅設

心踰虺蜴攫子甚烏鳶造妙羣心妬趨亡衆目憐淺謀
徒躁進重地莫輕捐黑白材因見雌黃論豈偏高人真
託興遠見始忘筌鑿戒無忘此防虞蓋有烏請看奕棋
句何愧鬪雞篇

山有狙行

山有狙不可馴山有虎不可親狙詐匪懷德虎飢須噬
人死生託良馬信厚稱瑞麟野性定難保猛獸終不仁

王粲宅

春風佳人命多薄深宮井冷梧桐落江邊百尺斷魂樓
未比鷓鴣一枝託漢家待士禮意失黨獄淪胥生鼎護
南山豆其苦燒焚鸚鵡洲邊埋一鶚丈夫擇木豈無術
何爾依劉燕巢幕君不見平時子房侍帷幄一語不投
斃文若登樓此日誠可哀亦恐從軍未為樂

書懷呈鍾君祿吏部

君不見黃河之水能上天白髮一變無由玄人生住世
無百年倏忽變化空中煙眼前富貴皆年少悲苦長多

金少府人三十一
卷十九
少歡咲抽絃促柱向君彈宛轉淒涼不成調

持心託明月明月照影不照心彈劍發長歌歌長宛轉
多苦音瀉水東西南北流昔日年少今白頭欲對君前
歌此曲恐君淚下不能收

勿除蔓行

蔓草君勿除葉蒂相連牽春風共滋長秋露同衰殘庭
前梅花樹一種同根生南枝煖北枝寒

讀杜詩斐然有作

王澤久淪洽正聲皆雅言百川忽西流青黃雜犧樽
騷經吹死灰明燭日月昏綺麗兆建安淳古還開元夫子
握元氣大音發胚渾明婁失毫芒神羲隘乾坤再變六
義彰一日五典惇上該周南風下返湘水魂仲尼不容
刪餘子何足吞五季兵戈繁嘲啗蟲鳥喧頽波既瀾漫
新竒尚西崑叻咏生譏評神鬼懷憤寃王蘇發醢甕黃
陳窮河源煌煌百年間後學同推尊時時或嘗鼎往往
猶戴盆做摹惑銅盤箋釋訛金根顧余小子旃獨受罔

極恩神融淚交墮思苦心屢捫相望五百載如接顏色
溫爐冶無停工况復忝諸孫斯文誠儻存庶以起九原

紙被一首

疎布裹敗綿破碎錯經緯嚴風過強弩終夜縮如蝟刺
溪楮夫子益友吾所畏策勳在覆冒周密罕傳彙隱然
萬里城可却戎馬氣脉髓益春溫濁酒有醲味直躬免
拳跼夜氣益洪毅吳宮鳳花錦伐命可虧款物微用匪
薄道在窮不諱緼袍可終身狐貉不足貴

陸務觀赴召

四海文章陸放翁百年漁釣兩龜蒙
數開天地吾何與老作春秋道未窮
李耳守官逾二代張蒼職史到三公
坐令嘉泰追周漢此是君王第一功

江湖小集卷十九

欽定四庫全書

江湖小集卷二十

宋 陳起 編

李龔梅花衲

荷澤李君寄示梅花衲余讀之若武陵漁人誤入桃源但見深紅淺紅後先相映雖有奇花異卉間廁其間莫能辨其孰彼孰此也紹熙間余尉江寧有李魴伯鯉者實余鄉人年七十餘客授方山觀示余梅花集句百首其所取用上及晉宋下止蘇門諸君子雖

句句可攷而意或牽強如兩服兩駢用生馬駒費盡御者力終難妥帖今李君所取下及於近時諸作猶犧象尊間雜以一二瓶罌雖雅俗不同然適用可喜也况後視今未必不如今視昔耶余故喜為之書丁亥春丹陽劉宰

蟾精雪魄孕靈芽逐朵檀心巧勝裁要比春工高一著
凌寒先伴六花開

歐陽永叔

丁謂之

王承可

田元邈

封植何人考厥初一枝價直萬瓊琚未央宮裏三千女
捲上朱簾總不如

馮文度

蘇子瞻

李商隱

杜牧之

冰姿元住藐姑山一落風塵即厚顏寄語清香少愁結
春光不度玉門關

歐陽凱士

黃岩老

林君復

王之渙

粉容冰艷玉玲瓏此外評花四海空可惜國香天不管
吹開吹落任東風

李泌

陸務觀

黃魯直

丁謂之

霜晴十月玉谿村占盡風情向小園采石浪寒青塚暗
是誰招此斷腸魂

晁補之

林君復

義鈞

黃魯直

山屐經過滿逕蹤高枝千歲對孤峯女冠夜覓香來處
須撥白雲三四重

薛能

雍陶

王建

陸暢

本是離騷國裏人更無人為作招魂誰家玉笛吹春怨

占斷孤山水月村

周晉仙

蘇召叟

姜堯章

高九萬

獨上西樓四望賒
玉林瓊樹影交加
春風也解嫌蕭索
借發明年最早花

姚揆

蘇子瞻

楊廷秀

李鎮

冰壺骨相自清臞
流落荒郊道轉孤
正是花中巢許輩
風標高古漢唐無

韓子蒼

張武子

陸務觀

義銛

東君借與好風光窮巷無人亦自芳誰念故都花落盡
客愁春恨兩茫茫

白樂天

張安國

陳祐

李縝

無熱天中第一僊幽姿高韻獨蕭然畫圖省識春風面
莫遣孤芳老澗邊

義銛

田元邈

杜子美

蘇子瞻

南園北園花滿風南枝與客兩飄蓬平生一點調元意
都在吟情句眼中

李鎮

陸務觀

義銛

趙從善

醉倚東風不自持，清香誰許比荼蘼。
南枝向我渾如昨，燕未歸來蝶未知。

蘇子瞻

丁謂之

張安國

陸務觀

琳瑯觸目路人驚，上有黃鸝深樹鳴。
喚起一聲腸斷處，枝頭時見子初成。

黃魯直

韋應物

閩妓周氏

韓退之

傾國傾城豈在人人間，只有此花新冰霜過了翩然去。

欽定四庫全書

江湖小集
卷二十

四

萬紫千紅各占春

唐彥謙

蘇子瞻

義銛

王介甫

茅屋蕭然野水東
掃窓映竹見玲瓏
城中桃李休相笑
豈待世間桃李風

曹元寵

韓退之

謝無逸

李鎮

孤舟江上畏春寒
故國烟花想已殘
沈醉不愁歸路遠
憑君傳語報平安

張謂

盧弼

張蠡

岑參

不擬寒山不廣騷春風藜杖起詩豪霜鴻入夜驚還止
人立梅花月正高

張武子

呂棫

上官良史

趙紫芝

栗里先生花夾門且尋詩社著詩勲莫嫌春淺花房小
春在枝頭已十分

侯季良

陳無已

李鎮

唐人

月會深情借艷開相逢月下是瑤臺斷崖絕壑元無主
嫁與春風不用媒

陸龜蒙

蘇子瞻

蘇養直

李長吉

驛迴村幽客路微
今朝楚樹發南枝
重門深鎖無尋處
故斲雲根帶薜移

司空圖

柳子厚

郎士元

李漢老

攜手城南憶舊遊
故人行役向邊州
冰肌自是生來瘦
不識人間離別愁

韓退之

張謂

虞美人詞

徐道暉

病與西湖絕半年
一春長費買花錢
詩懷自笑多塵土

猶恐春陰咽管絃

趙紫芝

俞國寶

徐致中

李約

上苑年年占物華
東湖同住水雲家
莫言春度芳菲盡
閑閉春風看落花

柳子厚

李漢老

賀知章

秦系

空倚梅花說住山
他鄉風景亦相關
北窓人物羲皇上
身與浮雲處處閑

張武子

皇甫冉

李漢老

靈一

一方明月可中庭坐見年芳憶帝京
宿客盡眠眠不得
半山寒色與春爭

劉禹錫

韋應物

雍陶

裴說

五陵春色泛花枝
春半如秋意轉迷
細雨濕衣看不見
千行珠淚滴為泥

陳羽

柳子厚

劉長卿

顧況

閏月今年春意賒
年光誤客轉思家
夜來有夢登歸路
侵岸疎梅已放花

錢起

王翰

方干

曾存之

不論朝暮帶輕煙錯向春風恨杜鵑楊柳枝頭風料峭
為君醉倒燭花前

徐致中

趙子野

韓无咎

李漢老

天與芳時豈待催高樓曉見一花開夜來省得曾聞處
香駕寒雲入酒杯

范希文

令狐楚

許渾

張芸叟

青帝來時值晚芳有時經雨乍淒涼玉笙聲裏鸞空怨

金史卷之二十一
卷二十一
細嚼花鬚味亦長

王初

羅隱

晏叔原

蘇子由

洞天誰道却歸難
浩思藍山玉彩寒
常是臘前欺雪色
等閒莫遣俗人看

唐求

薛濤

梅聖俞

李漢老

自是春愁正斷魂
半緣修道半緣君
孤城吹角猿相應
遙結芳心向碧雲

韋莊

元稹

徐道暉

楊衡

小橋分路入青苔
冰萼瓊華次第開
欲識春風最奇處
空林月落始應回

王介甫

宋庠

李頎

李端

玉笛誰家叫落梅
夜來春病不勝懷
傍人未必知心事
惟有君恩白燕釵

韋莊

王之渙

劉卓

殷堯藩

遮莫江頭柳色遮
隨風好去落誰家
江春不肯留歸客
馬踏春泥半是花

鄭谷

劉禹錫

劉長卿

竇鞏

聽鐘投宿入孤烟
旅館寒燈照不眠
竹裏江梅寒未吐
平臺賓客有誰憐

施肩吾

高適

蘇養直

王昌齡

九衢風土帶花香
月到枕前春夢長
天意最饒惆悵事
殘花殘雪尚交光

唐彥謙

溫飛卿

陸龜蒙

王初

舊業叢臺廢苑東
別來二十一春風
越梅半折輕寒裏

拋擲深山亂木中

劉言史

賈島

和凝

李九齡

撚玉搓瓊軟復圓
衣篝不用綠沈烟
自緣今日人心別
暖慰寒英只鬪先

趙光遠

周晉仙

鄭谷

鉅朴翁

隔得盧家白玉堂
蜂爭粉蘂蝶分香
不隨殘雪埋芳草
若箇傷春向路傍

李商隱

溫飛卿

韋莊

唐彥謙

雪徑清寒蝶未知
錦囊消得探春詩
多情為我香成陣
憑仗東風分外吹

李希聲

舒亶

辛幼安

高蟾

月落烏啼霜滿天
江頭歸客木蘭船
愁腸斷處春何限
忍把敲吟舊竹鞭

張繼

潘德久

溫飛卿

李洞

梅花暗落嶺頭雲
盡日出門還掩門
却見舊房堦下樹
春風應自怨黃昏

李益

曹鄴

賈島

韓偓

龍脊橋邊住最幽
誰將小笛按梁州
年年歲歲花相似
馬上多逢醉五侯

鈿朴翁

劉武子

賈曾

吳融

東風不用更相催
不向東風怨未開
無限春愁莫相問
碧山明月照蒼苔

令狐楚

高蟾

趙嘏

曹唐

五湖賒與一年春
幽佩仙香半夜聞
暫到人間歸不得

有人傳是紫陽君

陸龜蒙

李羣玉

盧綸

熊孺登

殘燈無焰影幢幢
人世心形兩自降
借問梅花何處落

春風吹到讀書窓

元稹

薛濤

高適

武元衡

暗香時復過
牕紗不是桃花與
李花
試問花枝何處好
病來簾外是天涯

朱雍

陳去非

王介甫

裴夷直

一枝折盡一重新纔見吳州百艸春
山路獨歸衝夜雪
不堪仍送故鄉人

施肩吾

皇甫冉

王建

顧非熊

盡日含毫有所思
殘花應逐夜風吹
春郊雨盡多芳艸
立馬煩君折一枝

薛能

李昌符

雍陶

楊巨源

倚竹佳人翠袖長
薔薇花露染衣裳
一時傾倒春風意
豈是常娥月裏香

蘇子瞻

韓子蒼

陳去非

宋咸

野外相逢一笑新
寒枝清槁玉粼粼
雖然未得和羹便
纔道和羹便失真

洪覺範

王績

羅隱

曾鞏

夕陽原上兩三家
行不逢人只見花
正是一年春好處
春風應怪在天涯

杜荀鶴

陳無已

韓退之

鄭毅夫

酥滴寒英露滴香
迎春先有好風光
落花寂寂黃昏後

疎影橫斜最斷腸

李縝

白樂天

韋莊

謝無逸

江邊身世兩悠悠
遠著瑤芳看不休
月淡烟深聽牧笛
冰肌銷瘦為誰愁

蘇子瞻

林君復

陸務觀

楊時可

雪後相看意更深
摩挲拄杖過溪尋
含情似領歲寒約
料峭東風不易禁

道潛

陸務觀

侯季長

呂誨

蘭替天香蜜替黃巧如施粉妬何郎東君若要分流品
儂是水仙鴻雁行

李縝

徐師川

种放

黃岩老

隔屋穿籬見一枝幽香深謝好風吹兒家門戶重重閉
縱有春來何處知

張會川

寇平仲

唐才婦詩

唐人

深院無人獨倚門暗香浮動月黃昏夜寒那得穿花蝶
疑是西湖處士魂

韋莊

林君復

蘇子瞻

李鎮

出屋香梢幾樹花對花今日奈天涯
秦中驛使無消息
又遣相思夢到家

道潛

周美成

杜子美

李鎮

乞得東風一杖藜
尋花覓逕忽成迷
欲知前面花多處
湖水東邊鳳嶺西

蘇養正

陳去非

韓退之

蘇子瞻

西曹深處見春來
半欲離披半欲開
箇裏愁人腸自斷

秦樓寒角更相催

王仲至

郭震

劉禹錫

盧強

一樹春花千萬枝
戀花行步步遲遲
可憐日暮媽香落
直似山陰雪下時

白樂天

方干

李長吉

李鎮

瘦倚疎篁半出牆
幾多深意斷人腸
不如醉裏風吹盡
踏作花泥透脚香

釋惠璉

李易安

杜子美

楊廷秀

冰棹風船雪滿篷
年年長策探花功
可憐幾許懷春意
盡在疎枝冷蘂中

楊廷秀

陸務觀

李鎮

王性之

江頭短樹亞衡門
誰與詩人管醉魂
惆悵西湖仙去後
不堪細雨濕黃昏

侯季長

黃岩老

銛朴翁

蘇子瞻

玉樹交橫雪後天
月明素質自生烟
人間那得花如許
疑是蟾宮降謫仙

司馬君實

蘇子瞻

銛朴翁

洪覺範

淺淺池塘短短牆
眼明初識道家裝
夢魂不入人間世

雲雨巫山枉斷腸

王介甫

李績

僧法平

李太白

草為床坐瓦為杯
愛著幽香未擬回
醉到花殘呼馬去
姚黃魏紫莫相猜

銛朴翁

黃魯直

陸務觀

謝無逸

仙衣襞積素中單
物外風塵不染顏
世上幾時曾好古

孤標只合在孤山

李鎮

倪無隱

李山甫

黃岩老

玉顏知復為誰容
鷓鴣一聲春事空
昨日倚欄枝上看
教人錯恨五更風

王履道

李鎮

范希文

王建

老去青林又一霜
折花鏡裏憶新妝
幾回夢作花間蝶
不怕清寒嗅冷香

張武子

黃魯直

李鎮

楊廷秀

羨君瀟灑有餘清
密雪無端苦見侵
長使詩人動幽興
平生和靖最知音

歐陽永叔

李白

謝幼槃

張彥實

子美詩中黃四娘
滿身新袞瑞龍香
似嫌時世妝梳淺
故作無情淡淡妝

蘇子瞻

毛熙震

李鎮

謝無逸

閱盡冰霜念已乾
秦南燕北見君難
自憐野客都無著
拈得花枝不忍看

銛朴翁

張武子

寇平仲

蘇子瞻

林蘿深處過溪橋
眼底青山映寂寥
真態生香誰畫得
一枝春瘦雪初消

林君復

蘇養直

蘇子瞻

何正平

瓊酥滴滴綴斜枝
莫恨東風剪拂遲
花底自從和靖死
臨流誰復賦新詩

謝無逸

趙世長

銛朴翁

徐師川

女鬟誇巧幻寒芳
送我東山紫翠傍
指似鳳城烟月路

一杯當屬水仙王

李鎮

秦宰

張武子

蘇子瞻

鏤冰疊雪鬪輕盈
片逐銀蟾落醉觥
惆悵晚來風定後
隔林橫笛兩三聲

謝無逸

辛寅遜

李鎮

釋無則

西湖西畔北山前
日日春風是管絃
何似玉堂裁詔罷
銀瓶玉柄兩蕭然

蘇子瞻

趙紫芝

吳融

皮日休

吹殺梅花影裏燈淒涼一似觀堂僧滿山明月東風夜
茶煮西峰瀑布冰

張功父

周晉仙

羅鄴

貫休

一樹龍鬆玉刻成月中還似日中明等閑只怕花零亂
何處人家籠解盛

王建

齊己

李頻

蘇子由

就泥沾處襯芳塵憶昔爭遊曲水濱踈影暗香如昨日
東風二十四回春

高九萬

王駕

徐無競

白樂天

人人欲看壽陽妝
自笑狂夫老更狂
取醉不辭留夜月
踏花歸去馬蹄香

范希文

蘇子瞻

李太白

胡曾

孤根何事在柴荆
苔水相逢眼便青
盡日問花花不語
窮途阮籍幾時醒

林君復

毛澤民

嚴憚

杜子美

淡烟疎雨又青山
月映橫枝古碣寒
十日笙歌一宵夢

無人起就月中看

周晉仙

鈿朴翁

韋莊

開元名公

疎疎枝上發陽和月冷高臺影在波留客看花賦詩坐
不須此地有笙歌

潘德久

徐致中

翁靈舒

徐道暉

花壓闌干春晝長玉中還有辟邪香少陵苦被花相惱
可是無心賦海棠

溫飛卿

蘇子瞻

謝無逸

王介甫

水邊遙見久停橈似與詩人破寂寥兩岸嚴風吹玉樹
莫教虛度可憐宵

丁謂之

王介甫

韋莊

蘇子瞻

愁絕江南日暮春東風何事入西鄰誰家月下看花女
莫竊香來帶累人

劉貢父

蘇子瞻

元稹

薛能

黃鳥陰中實已團從教革帶減詩鏤錢塘岸上春如織
誰伴仙翁倒玉山

黃魯直

李績

溫飛卿

蘇防

小雪疎烟雜瑞光
月牕花院夢悠揚
落星樓上吹殘角
不是愁人也斷腸

蘇子瞻

李白

韋莊

戴叔倫

恨滿東風意不傳
藥珠宮殿擁神仙
司空見慣渾閑事
一夜相思笑玉川

陳去非

洪龜父

韋應物

林憲

藜杖扶人趁雪乾
玉蕤初發映溪寒
不須苦問春多少

索笑情懷老漸開

劉應時

道潛

楊廷秀

陸務觀

蕙死蘭枯菊亦摧與春先作斷腸媒
騷經失我無慚色
時節來時畢竟開

蘇子瞻

皮日休

潘德久

楊廷秀

候得南枝臘後芳
斬新氣象敞書堂
幾回醉嚼春風骨
清殺玉川文字腸

周開祖

謝無逸

李鎮

黃岩老

雪裏消磨一半春
乍晴芳草競懷新
青天無雲月如燭
仰看橫枝自寫真

陳叔易

范至能

盧綸

楊廷秀

天放嬌嬈豈自知
春風日日雨時時
晚香消歇無尋處
多在青苔少在枝

王介甫

齊己

蘇子瞻

崔魯

日衝霜雪走風埃
今日江邊首重回
空掩玉樓先睡去
暗香都自著人來

連彥夫

羅隱

張武子

李鎮

天與風流春與嬌
酒旗風急更相招
先生莫道心如鐵
愁殺蘇州也合銷

李鎮

林君復

陳去非

高子勉

霜羅袖薄綠衣單
家是江南友是蘭
借問幾時辭碧落
一枝欲寄北人看

范至能

陸務觀

喻迪孺

歐陽永叔

雪後東風未肯和
此中不醉又如何
江南春色花千里

自笑茅簷一樹多

蘇子瞻

劉浩

朱松

銛朴翁

下馬旗亭酒可沽
水精簾內看如無
應緣近水花先發
獨凭欄干恨有殊

溫德久

于武陵

戎昱

來鵬

策杖窺園日數巡
無端寒雨損精神
青裳素面天應惜
不著笙歌不肯春

王介甫

張正見

陳去非

范至能

冷艷孤光照眼明暖風不為惜輕盈江南破後無詞客
吟破愁腸句不成

張安國

孫仲益

張武子

亡名

玉河仙子下雲逵探請東皇第一機莫道春歸無覓處
年年魂傍隴頭歸

趙世長

黃魯直

陳子高

銛朴翁

童初宮裏兩斑斑粉落香肌汗未乾五月京塵渴人肺
滿將春色上金盤

李鎮

崔珣

亡名

韓琦

倚樹空驚白髮新
風飄萬點正愁人
不知誰唱歸春曲
更在朱欄綠水濱

張會川

杜子美

曹唐

楊傑

閒踏宮花獨自行
飄廊點地色輕輕
臨風長作南枝想
欲化西園蝶未成

白樂天

王建

黃岩老

張泌

玉女精神不尚妝
一身盡著雪衣裳
只應尚有驕春意

淺笑微顰盡斷腸

張文潛

黃岩老

王介甫

李鎮

南枝先暖北枝寒便領東風到世間寶髻斜簪光照座
暗香終不似孤山

女仙

鄭毅夫

陸務觀

銛朴翁

落日天寒客自愁數枝斜亞礪橫流春風也是多情思
無限清香夜不收

黃岩老

銛朴翁

韓退之

梅摯

出得城來事事幽，併知春色上枝頭。
一年好處君須記，江上行人空自愁。

楊廷秀

鄭毅夫

蘇子瞻

蔡君謨

萬古蕭條楚水西，步尋芳徑到寒溪。
行人將底酬春色，一絕清詩手自題。

劉長卿

吳居厚

李縝

陸務觀

玉為風骨雪為衣，瘦倚疎篁不解肥。
絕磴斷橋幽獨處，夕陽長送釣船歸。

楊廷秀

鈺朴翁

陸務觀

杜牧之

大道青樓御苑東
珠簾約住牡丹風
一枝帶雨牆頭出
不與花爭世態紅

韋莊

宋祁

羅隱

陶商翁

蜂撩蝶翅不相饒
二月春風似剪刀
可惜屈原吟澤日
不并香艸入離騷

李績

賀知章

晏殊

林君復

每愛花光畫作圖
姑山親見雪肌膚
芒屨遠覓香來處

醉倒黃公舊酒壚

銛朴翁

蘇子瞻

李鎮

陸龜蒙

西望長安不見家
駝裘幾折犯寒花
玉驄慣識西湖路
不覺歸鞍帶月華

李太白

李鎮

俞國寶

蘇子瞻

雲為肌骨玉為神
耐盡冰霜破俗塵
政爾玉壺相俎豆
寄言幽谷可終身

張安國

銛朴翁

黃岩老

譚勉翁

金史八十二
卷二十
花有清香月有陰何人月下此幽尋
巷南巷北相知少
自把茶甌當酒斟

蘇子瞻

李績

趙紫芝

劉應時

一年春色負歸期
每見梅花輒入詩
腸斷江南一百五
然犀何處覓瓊枝

羅鄴

林君復

張武子

蘇子瞻

一樹寒梅白玉條
風魂雪魄去難招
三年枕上吳中路
先到王城第一橋

戎昱

栖白

蘇子瞻

張武子

萬木逢霜一劫灰，動搖詩興又逢梅。
野橋漏泄春光處，不用君王羯鼓催。

黃岩老

杜子美

李希聲

呂居仁

梅梢風暖弄殘陽，花氣侵人笑語香。
太歲只遊桃李徑，肯隨桃李鬪梳妝。

陳純益

秦少游

盧仝

黃岩老

一段春愁雨帶來，空令懷古更徘徊。
深宮不與閒人到。

枝上年年生綠苔

銛朴翁

司空圖

蘇君叟

姜堯章

新年何事最堪悲
雖老於梅亦未衰
日暮漢宮傳蠟燭
東風全在小桃枝

盧仝

蘇子瞻

韓翃

唐子西

擁裘來看玉梅春
江上悠悠不見人
報答春光知有處
十千沽酒莫辭貧

蘇子瞻

王介甫

杜子美

崔繁童

宛陵堂下探梅時
淑氣隨風裂麝臍
昨夜小園春已老
落花枝上鷓鴣啼

韓子蒼

陳朝老

韓琮

閩妓周氏

問訊松篁嶺下梅
今朝忽見數枝開
長干白下相逢少
莫負江南鸚鵡杯

道潛

唐才婦

張武子

史千

北客南來豈是家
名園又作醉生涯
因風蛺蝶低仍起
飛去方知不是花

欽定四庫全書

江湖小集
卷二十

五

蘇子瞻

陸務觀

毛達可

楊廷秀

一枝斜映佛前燈
興味都來似野僧
記得玉人春病後
穿花却與共扶藤

陳去非

失名

薛能

蘇養直

高標不畏雪霜侵
松竹初栽未靚深
多謝東君深屬意
盡教枯朽作瑶林

鄭毅夫

呂棻

林迥

李太白

古苔留雪卧牆腰
小戶無風暖氣饒
一段好春藏不得

有人和淚獨吹簫

姜堯章

潘德久

張武子

劉武子

江頭千樹玉糝糊
客子搖船遠畫圖
唯愛風流當月夜
滿身花影倩人扶

李縝

張武子

林紹宗

陸龜蒙

仙子乘雲下玉溪
幽人又賦探春詩
遠香暗度橫橋上
正是橫斜一兩枝

嬾愚

陸務觀

史千

李希聲

白玉堂前一樹梅先於城外百花開物情似與閒相稱
又惹東風意緒來

唐才婦

劉禹錫

劉威

來鵬

花籠微月竹籠烟多病多愁負少年一院落花無客醉
謝娥行處落金鈿

元稹

張泌

溫飛卿

韋莊

不知雨後更精神與水相蒸暖盎春獨自捲簾樓上望
夕陽吟殺倚樓人

俞商卿

曾幼度

翁靈舒

韋莊

有花偷笑臘前枝
筆寫春闈客賦詩
獨夜客心何處是
和烟和雨雪離披

錢翊

慕幽

施肩吾

韋莊

海天臘盡凍初融
平旦梅花破冷紅
借問清都舊花月
共驚雲色帶微風

上官良史 張武子

賈至

盧綸

雪裏開花却是遲
羞歸應為負花期
即今者舊無新語

獨立蒼苔自詠詩

蘇子瞻

蘇子瞻

杜子美

杜子美

紅梅

小萼裁成絳蠟勻
繡難相似畫難真
春風用意勻顏色
未怕青腰玉女嗔

石曼卿

方干

鄭谷

王介甫

蠟梅

絕無聲色動凡情
香比江梅分外清
欲問此根何處得

游蜂多思近經營

林憲

洪覺範

石懋

韓退之

墨梅

一從笛裏送孤妍
興寄揚雄獨守玄
憶著江南舊行路
可憐風味故依然

鈺朴翁

張子文

林君復

李績

半幅溪藤萬里春
夜牕添起月精神
眼看白壁埋黃壤
鬢髮空歸想太真

陳去非

石懋

黃魯直

張子文

五言

前村深雪裏天意不教遲玉色復何異東風萬古吹

齊己

熊皎

朱晝

張喬

闔闔春風起花開次第新拂牆花影動疑是弄珠人

令狐楚

王涯

崔鶯鶯

王適

素面凝香雪孤根尚惹苔春風有餘力一一為愁開

韋莊

修睦

曹松

楊衡

上苑春何早百花猶未知
逢春多霰雪玉性肯磷緇

王表

熊皎

戴司顏

白樂天

雪中多日靜春富野人家
廢苑荒堤外誰知改歲華

銛朴翁

上官良史

徐道暉

徐致中

歲晚樹無葉歌花半在池
水光斜漾月憶在故山時

歐陽詹

徐道暉

高九萬

皎然

自入春來早梅花處處妍
幾家深樹裏只怕晚風顛

徐致中

翁靈舒

項斯

姜堯章

高枝分曉月花發蝶先知野渡冰生岸清香可贈誰

陸贄

文兆

皇甫曾

虛中

孤燈然客夢疎雪亂梅花憶昨經過處鄉心月滿沙

岑參

徐致中

沈佺期

修睦

衆芳春競發陰砌雪花殘獨樹臨江古猶疑畫上看

朱灣

慕幽

上官良史

徐致中

官歷春猶淺夜寒霜滿枝欲消冰似雪明月不須期

翁靈舒

歐陽詹

趙紫芝

錢起

客路逢人少春城不盡頭無風花自落何處避春愁

惟鳳

上官良史

杜子美

顧况

幾夕疎林下山花慰客心哀猿自相叫惟恐暮雲陰

保暹

崔備

盧拱

張亦

高檣起行色帶月過江村逐吹梅花落無言只斷魂

劉禹錫

劉長卿

李嶠

銛朴翁

閏年春過後衆樹碧光鮮已瘦梅枝影闕心又一年

齊己

翁靈舒

徐致中

銛朴翁

冬暖梅花早前庭如月輝
北人歸欲盡不用惜花飛

徐致中

陸暢

戴叔倫

王涯

雪氣衝簾入天寒白屋貧
不知園裏樹先結日邊春

徐道暉

劉長卿

東方虬

陳羽

春宵多旅夢輕醉不成鄉
靜室簾孤捲花間暗斷腸

張喬

唐彥謙

行肇

魚玄機

近舍新為圃春梅避石開
風兼殘雪起詩思溢難裁

徐致中

周晉仙

于良史

包佶

忽見寒梅樹西陵西又西
可憐枝上色歸路莫相迷

王適

周晉仙

楊銜

皎然

野蝶難爭白
芳香散著人
風光人不覺
寒氣自通春

司空曙

統于著

王涯

李頻

萬仞冰梢折
春回客未歸
黃昏掩門後
教熨看花衣

馬戴

戴叔倫

戎昱

王建

寒雪梅中盡
紗牕薄似煙
怨魂迷恐斷
多是晚風前

李太白

張仲素

李商隱

姚合

舊國迷江樹，羞將淚對花。
老魂招不得，明月落誰家。

皇甫冉

孟郊

杜子美

李太白

東風吹暖氣，花泛曉光鮮。
破月斜天半，垂藤壓樹偏。

陳羽

司空圖

劉得仁

姚合

梅花今正發，折盡向南枝。
相送河梁晚，春風動柳絲。

李頎

張籍

陳伯玉

耿漳

深居白雲穴，幽意滿山楹。
風遞幽香去，何人識此情。

馬戴

祖詠

齊己

劉長卿

自愛新梅好相懽得幾回來年又相見先發映春臺

張籍

戴叔倫

任蕃

齊己

花落青軒樹山僧帶雪期荒堦羅疊蘚未遠剩相思

包融

尚顏

鄭愔

包何

尋芳愁路盡山寺始花開獨上高樓望春不易裁

姚合

齊己

姚係

張泌

寒盡梅猶白春光幾處偏嬌鶯解言語不是怨流年

宗楚客

郎士元

馬異

李端

常恐韶光晚
繁花已滿林
花心愁欲斷
月冷洞房深

陸贄

王表

王維

上官儀

碧落風烟外
正朝發早梅
散空香鬱鬱
應為剪刀催

王維

張說

陳羽

宋之問

嬾成真似病
山妓笑酣歌
花落煎茶水
疎叢蝶未過

于鵠

孟浩然

姚合

劉象

林間明見月
深戶映花闌
想像吹簫處
空尋伊洛間

皎然

韓翃

丁仙芝

司空曙

月寒花露重貌為客愁銷一落又經歲鄉闕此路遙

江為

田澄

于濇

祖詠

月明渾似雪樹老數枝傾月落江村黑孤吟意不平

雍裕之

劉得仁

項斯

姚合

白日依山盡春風引思長抱琴沽一醉尋艷復尋香

王之渙

雍陶

宋林

齊己

旅館誰相問霜晴凍葉飛花當隴上發邊色滿戎衣

戴叔倫

懷浦

楊衡

溫飛卿

風起寒雲斷飛花入戶香孤城吹角罷一鏡有愁霜

戎昱

李頻

李宣遠

栖蟾

梅落經霜霰雲連京國深金壘列四座春色豈知心

張暈

陳存

劉復

王維

池草艷春色流芳復滿園只應連夜雨花落擁籬根

李太白

韋應物

李敬方

于鵠

世上樹桃李逢春解惜春不知春色早對此合傷神

崔膺

李益

王適

唐彥謙

逆旅相逢處冥冥花正開今朝與君醉不辨越王臺

孟浩然

崔峒

張說

張軫

野渡人初過人悲花自開歌聲隨淥水春滿杏花山

清塞

孟郊

劉昫虛

姚合

舊雪逐泥沙驚雷長荻芽低簷一枝在恐有夜來花

李端

翁靈舒

紇于著

左緯

一點白如雪玄機未易窺歲華搖落盡空把月中枝

徐道暉

韓仲止

左緯

翁靈舒

病見岩花發風霜一歲殘月斜寒影動清比玉堪餐

張亦

徐道暉

徐致中

趙仲白

高樹梅初發城隅古謝村况多秋蘚色巧詠任人言

徐致中

翁靈舒

趙紫芝

徐道暉

落日明深塢新移棘補籬野花春後發獨自立多時

趙昌甫

徐道暉

趙紫芝

張武子

畫閣餘寒在花明綺陌春今年看花伴東去汶陽濱

張起

王涯

李益

宋之問

無處寫幽懷前山雪未開一堦春草碧偶到樹邊來

銛朴翁

清塞

翁靈舒

楊衡

數枝寒照水幽意日相親愛此無他客遙將寄野人

翁靈舒

趙紫芝

張亦

徐道暉

漁舸汀鴻外霜天似水清更無花上月新句與誰評

翁靈舒

徐致中

周晉仙

趙紫芝

枯株圍古寺老怪昔誰栽水國花開早疎花晚自開

徐道暉

翁靈舒

趙紫芝

徐致中

問得梅花信新晴花氣香戲賡和靖句炙背負斜陽

徐致中

杜子野

周晉仙

銛朴翁

觸處是花開孤高不受埃春風別有意時有暗香來

東方虬

翁靈舒

李義甫

王介甫

幾度尋春信親曾到石橋寒雲拂縞夜恨不坐通宵

左緯

徐道暉

徐致中

趙紫芝

旅望因高盡江春入舊年紛紛對寂寞花隔杜陵烟

崔曙

王灣

劉昶虛

郎士元

捲簾清夢後靜角揜山城氣射燈花落肌膚片玉明

惟審

清塞

貫休

護國

積雪暮山寒枝入肺肝高風吹不盡一半更須看

皇甫冉

趙仲白

處默

張亦

雪消春力展林雪似芳菲獨映孤松色煩君問是非

可止

司空曙

嚴維

王維

蠹根停雪水花落釣人頭萬里猿頻斷春風亦似秋

周賀

魚玄機

劉長卿

張繼

鳥喧金谷樹惟此出塵埃古戍鳴寒角池塘暗不開

朱放

劉得仁

清江

司空曙

人情皆共惜勿謂少知音若問陽臺客曾供雪夜吟

熊皎


無可

張循之

馬戴

寶慶丁亥余留句曲嘗錄寄漫塘劉平國今十五年
矣憇事人屢囑板出或者欲易為天機雲錦余曰此
集實如野僧敗襖將新捺舊拆東補西元無一片完
物非衲而何是名豈可易也客曰唯傳而見者豈不

直一笑淳祐二年壬寅二月八日李彝書



江湖小集卷二十

欽定四庫全書

集部

江湖小集卷二十三
一至

詳校官中書臣張姚成

助教臣常循覆勘

覆校官主事臣龔敬身

校對官助教臣胡予襄

謄錄舉人臣鍾廷瑛

謄錄貢生臣李 檉

欽定四庫全書

江湖小集卷二十一

宋 陳起 編

李龍剪綃集

謫仙吟

空山凝雲頽不流
牧龍丈人病歌秋
尋詩北嶺截珠樹
老夫飢寒龍為愁
呼龍耕烟種瑤草
若為失意居蓬島
泓泓水繞青苔洲
鯉魚風起芙蓉老

李賀

陳陶

陳陶

李賀

欽定四庫全書

江湖小集

公無渡河

屈平沈湘不足慕公無渡河兮公苦渡行搔短髮提壺
漿玉白蘭芳不相顧驚波不在黥黥間顏色錯漠生風
烟其下無底旁無邊何用將身自棄捐

李賀
齊已

王叡
盧仝

李咸用
白居易

溫飛卿
王建

長安春

春欲來日日望春門早開花臺欲暮春辭去禁城煙暖
蒸青苔齷齪浮生如走電客舍似愁誰遣來夜夜抱冰

寒不睡流光暫出還入地門外平橋連柳堤落花聲裏

仙娥醉

王建

羅鄴

李賀

元稹

韋莊

張籍

陳陶

溫飛卿

莊南傑

行路難

君不見長安城北渭橋邊長安惡少不少錢飛窓複道
傳籌飲金鯨瀉酒如飛泉春風細雨走馬去鳴鞭晚出
章臺路半垂衫袖揖金吾誰道黃金如糞土床頭黃金

盡中門為異域骨肉且不顧促刺復促刺世路有趨競
人無一定顏何處是平地暗水自波瀾君不見建章宮
中金明枝春花落盡蜂不窺雙輪晚上銅梁雪當春對
酒不須疑行路難君好看

盧照鄰
杜牧

趙適
韓翃

李賀
施肩吾

溫飛卿
貫休

張籍
錢起

聶夷中
孟郊

盧仝
顧况

王建
薛能

崔顥
齊己

賀蘭進明

翁綬

張絃

塞上北風行

北風叫枯桑玉沙粼粼光天寒山路石斷裂駐馬相看
遼水旁軍容帶甲三十萬都護寶刀凍欲斷旄頭夜落
捷書飛少年金紫就光輝

孟郊
高適

李賀
岑參

張籍
王維

王建
張祜

吳娃歌

洞庭明月一千里芙蓉水殿春風起殘絲欲斷黃蜂歸
鴛鴦翡翠承燕私露脚斜飛濕寒兔越王金雞報天曙
官街柳帶不堪折謝豹空啼采香月

李賀
李賀

陳陶
陳陶

李賀
李賀

陳陶
陳陶

致酒行

零落棲遲一杯酒
綠凸蠻觥奉君壽
湖花江月前後鄰
寒風又變為春柳
離鸞別鳳烟梧中
曦輪送客溝水東
霜白松溪轉斜蓋
世間何處無春風

李賀
李賀

陳陶
陳陶

陳陶
陳陶

李賀
李賀

採蓮歸

採蓮女採蓮歸
落日晴江裏
蓮舟漸覺稀
蓮莖有刺不

成折爭弄蓮花水濕衣白練束腰袖半卷不語低鬟幽
思遠碧玉搔頭落水中粉痕零落愁紅淺

閻朝隱

王勃

劉方平

崔顥

孟遲

王昌齡

張籍

毛熙震

白居易

溫飛卿

溪上春

黃瓊散珠層殿曛東方風來滿眼春龍蛇洗鱗春水暖
薇帳逗烟生綠塵古人花為今人發溪女洗花染白雲
赤水閨風誰是主西山日沒東山昏

陳陶
陳陶

李賀
李賀

陳陶
陳陶

李賀
李賀

秋閨思

征人遙遙出古城
天河夜轉漂迴星
銀縷香寒鳳皇薄
樹色深含臺榭情
雨滋苔蘚侵堦綠
為有秋期眠不足
城邊殘月勢如弓
月下丁東擣寒玉

張籍
岑參

李賀
王建

陳陶
高適

溫飛卿
韋莊

京洛篇

東望龍門北
朝市甲第千
甍分戚里
朱門戕戕臨九衢

垂柳金絲香拂水毗陵震澤九州通
董賢女弟在椒風
周公舊跡生紅蘚九泉寂寞葬秋蟲

蘇頌
杜審言

王勃
崔國輔

韋應物
李咸用

李賀
莊南傑

夢上天

馭鳳昇崑崙夢上高高天雲樓半開壁斜白蓬萊宮殿
玉爐煙春羅書字邀王母綠章封事詣元父鴻瓏九闕
朝玉皇大道無言暗相許身不沈骨不重半空回首晨
雞弄寒綠幽風生短絲春雷蟄蟄龍蛇動

孟郊
李賀

元稹
李賀

李賀
陳陶

陳陶
陳陶

齊己

溫飛卿

李賀

陳陶

空城曲

玉轉濕絲牽曉水
昔日住人今住鬼
東家胡蝶西家飛
星流露泣誰驅使
秋風吹地百草乾
兔苑詞人去不還
誰念幽寒坐嗚呃
長憶深雲海上山

李賀
李賀

陳陶
陳陶

李賀
李賀

陳陶
陳陶

短歌行

日日出又沒貴賤同一塵求榮不求辱利欲相紛綸鯨
魚張鬣海水沸擬學長生更容易不知中有長恨端秦
亡祖龍失天地野草白根肥鳳雛長忍飢人生過五十
何用假光輝四時相催節回換烏頭雖黑有白時一尊
綠酒綠於染有歌有舞聞早為庭前芳樹朝夕改可歎
年光不相待

曹松
李賀

皎然
貫休

子蘭
韋應物

權德輿
陳陶

溫飛卿
顧况

李羣玉
白居易

聶夷中
李咸用

于瀆
王建

李嶠

張柬之

蒿里曲

古人今人留不住六街馬蹄浩無主喪車鱗鱗入秋草
丘壠年年無舊道天娃剪霞鋪曉空幽愁秋氣上青楓
寒食家家送紙錢紙錢那得到黃泉

陳陶

李賀

張籍

王建

烏夜啼

衆鳥各歸枝落花香滿泥狹斜柳樹烏爭宿夜夜半

當戶啼浮萍搖蕩門前水九節菖蒲石上死感郎中夜
渡瀟湘恩光暗入簾櫳裏

聶夷中
楊巨源

崔道融
李賀

李端
劉方平

王建
溫飛卿

公無出門

天迷迷地密密海漫漫身若倉中鼠遲回出門難大道
冥冥不知處小人心裏藏崩湍我亦為君長歎息炊沙
作飯豈堪喫棘針生猛義路閑太華磨成一拳石不懼
天地傾津涯浩難識龍蟠泥中未有雲封狐雄虺自成

羣人生結交在終始細人何言入君耳歸卧東牕兀然
醉任他上是天下是地

李賀
貫休

白居易

曹鄴
溫飛卿

陳陶
顧况

劉義
張籍

馬異
駱賓王

王建
賀蘭進明

高適
鮑溶

李頎

羅隱

少年行

丈夫十八九驄馬拂繡裳倒插銀魚袋陪遊出建章醉
下酒家樓軒車滿垂楊君王正年少無人薦馮唐

邵謁
韋莊

陶翰
于濆

李廓
司馬札

李嶷
曹鄴

遠別離

太湖三山口中
有西行舟望望
不相近望中生
遠愁重
露濕蒼苔秋風
散楊柳空藏蘭
蕙心離恨如旨
酒碧紗
牕外葉騷騷
三更風作切夢
刀千里萬里獨
為客少年
心事風中毛

皎然
李端

沈佺期
顧况
施肩吾

邵謁
韋莊
張籍

于武陵
貫休
李咸用

金瓶梅詞話卷二十一
銅雀妓

淚眼看花枝齊行奠玉杯日暮銅雀迴歌舞妾空來悲
心舞不成恨唱歌聲咽君王去後行人絕但見西陵慘

明月

李賀
朱光弼

梁瓊
朱放

王適
程長文

沈佺期
李咸用

江南思

妾家白蘋浦柳暉乘馬歸恰值清風起朱服弄芳菲離
居不自堪留情此芳甸臨醉欲拚嬌惡許傍人見相逢

恐相失徘徊雙明璫歸時不覺夜要使兩情傷

溫飛卿
宋之問

李賀
李端

陸龜蒙
李商隱

劉希夷
丁仙芝

崔國輔

劉春虛

張仲素

韋應物

折楊柳

萬里邊城地垂楊二月春年華枝上見日暮客愁新露
葉疑啼臉風花思舞中玳梁誰道好持此寄情人

韋承慶
盧照鄰

張祜
劉憲

歐陽瑾
李商隱

孟浩然
張九齡

秋夜曲

秋夜長殊未央秋燈向壁拚洞房天漢東西月色光啼
蛄吊月鈎欄下寒衣未寄莫飛霜

王建

張籍

李賀

王維

出塞

單于寇井陘進軍飛狐北沙昏夜探遲遠樹深疑賊胡
霜損漢兵不妨得頭白功成須獻捷會勒燕然石

王昌齡
沈佺期

陶翰
于漬

張籍
崔顥

貫休
竇威

老婦吟

萬轉愁成繫腸線青畝春蕪連石苑為他人作嫁衣裳
頭白如絲面如繭

施肩吾

溫飛卿

秦韜玉

王建

寒女歎

國色久在室寒女不自知安得長不老為君玄鬢衰我
有古時鏡一照一回悲

于漬
朱畫

曹鄴
邵謁

薛耀

司馬札

怨詩二首

綠蔓花綿綿日晚梧桐落所思終不來蟲聲入羅幕

鮑溶

薛竒童

于濆

崔國輔

洞房秋月明玉闕芳信斷含怨倚蘭叢日驚羅帶緩

張修之

劉元濟

吳少微

李華

江湖小集卷二十一